

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

प्रधानमंत्री नरेन्द्र मोदी होर अज्ज संजा कनाडा दे कनानस किस च जी-7 शिखर सम्मेलन च हिस्सा लैंगन।

उपराज्यपाल मनोज सिन्हा होरें आखेआ ऐ जे प्रधानमंत्री हुंदे मार्गदर्शन हेठ प्रशासन नै ऐसा जम्मू कश्मीर बनने दे जतन कीते न जेहड़ा फरकोफरकी, डर-त्राह ते असुरक्षा कोला भलेया मुक्त ऐ।

जनजातीय मामलें दे मंत्री जावेद अहमद राणा होरें जनजातीय अनुसंधान संस्थान गी मजबूत बनाने दे उपाएं दा जायजा लैता, सरबंधत धड़ेंव्यापक भूमका ते गतिविधिएं दा आह्वान कीता।

एफएटीएफ नै पहलगाम आतंकी हमले दी निंदेया करदे होई आखेआ ऐ जे इस चाल्ली दी वारदात बिजन माली समर्थन दे मुमकिन नेई।

जम्मू कश्मीर च औंदे किश दिनें दरान बरखा बरने दी आसार बने दे न।

<><><><><><>

PM G-7

प्रधानमंत्री नरेन्द्र मोदी होर अज्ज संजा कनाडा च जी-7 शिखर सम्मेलन च शामिल होंगन। मोदी होर लगातार 6मीं बारी जी-7 शिखर सम्मेलन च शामिल होंआ करदे न। कनाडा दे प्रधानमंत्री मॉर्क कार्नी हुंदे साददे पर कनाडा दे दऊं रोजा दौरे पर गेदे श्री मोदी होर शिखर सम्मेलन कोला बक्खरे केई सारी दपक्खी बैठकां बी लांगन। प्रधानमंत्री मोदी होर महत्वै आली कुल संसारी मुद्दें पर अंतराष्ट्रीय संगठनें दे प्रमुखें, जी-7 मुखें ते होर सद्दे गेदे मुखें दे लीडरें कन्नै बचार सांझे करगंन।

<><><><><><>

LG-Book Release

उपराज्यपाल मनोज सिन्हा होरें कल नमीं दिल्ली च मशहूर फोटू पत्रकार आशीष शर्मा हुंदी इक कॉफी टेबल बुक जारी कीती, जेहदा सिरलेख ऐ “रिज्मेजिसिंग जम्मू एंड कश्मीर”। इस मौके अपने संबोधने च उपराज्यपाल होरें आशीष शर्मा हुंदे कम्मे दी सिफत कीती ते आखेआ जे उनें अपनी इस किताब दे राएं जम्मू कश्मीर च 2019 च दफा 370 ढाए जाने दे बाद थमां लेइयै हुनै तगर होए दे बदलावें दा शानदार चित्रण कीते दा ऐ।

एह कॉफी टेबल बुक राश्ट्र दे सामने जम्मू कश्मीर च पिछले 5एं ब'रें दरान होई दी तरक्की ते सकारात्मक बदलाव गी असरदार ढंगै सिर रखने दी कोश्ट ऐ। मनोज सिन्हा होरें अपने संबोधने च प्रधानमंत्री नरेन्द्र मोदी हुंदी सरपरस्ती च मार्गदर्शन हेठ जम्मू कश्मीर प्रशासन आस्सेआ कीते गेदे जतनें गी बी उजागर कीता जिंदी बदोलत जम्मू कश्मीर दा त्हाँल कुसै बी चाल्ली दे डर—त्राह्, फरकोफरकी ते असुरक्षा दी भावना कोला पूरी चाल्ली मुक्त ऐ.....

<><><><><><>

Rana-TRI

जम्मू कश्मीर च जनतामीय समुदाय दी भलाई बेहतरी गी बढ़ावा देने दे मकसद कन्नै मंत्री जावेद अहमद राणा होरें जनताति शोध संस्थान गी होर मजबूत करने लेई उपाएं बारे इक जायजा बैठक सददी। बैठक दरान मंत्री होरें इस इदारे दी जनजातीय समुदाय दी भलाई बेहतरी लेई अहम भूमका उप्पर लोह पाई। उनें आखेआ जे इस इदारे गी प्रमुख केन्द्र च तब्दील करना लोड़चदा ऐ। बैठक दरान मंत्री होरें अधिकारिणं गी निर्देश दित्ते जे सबै मुत्तलका धड़ें कन्नै रलियै इक व्यापक रणनीति मैआर कीती जा जेहदे च संस्थान दे कम्मकाजें गी नमां रूप दित्ता जाई सकै। उनें एहदी असरदार अमलावरी लेई तफसीली रिपोर्ट पेश करने इे कन्नो कन्नी माहिरें गी इस कम्में दी जिम्मेदारी सौंपने दी जस्तरै पर लोह पाई।

<><><><><><>

Satish JPDCI

काबिना मंत्री सतीश शर्मा होरें जम्मू च बिजली दी बंड सरबंधी मैहकमे दे अधिकारिणं कन्नै बैठक लाइयै बड़ी मती गर्मी थमां राहत देने लेई मैहकमे आस्सेआ कीते जा'रदे जतनें ते कम्मकाजें दी समीक्षा कीती। उनें अधिकारिणं गी हिदायत दित्ती जे जम्मू खित्ते च बिजली सरबंधी ढांचे गी बेहतर बनान ते उपभोक्ताएं गी पर्याप्त मात्रा च बिजली दी सप्लाई उपलब्ध करोआना जकीनी बनान। बैठक दरान मंत्री होरें एह बी निर्देश दित्ते जे छम्ब हल्कें दे दूर दरेड़े ग्राएं लेई बाद्धू ट्रांसफार्मर बी तैआर रखे जान। एहदे अलावा मंत्री होरें बन्ने आले इलाकें दे विकास सरबंधी बीएडीपी स्कीम तैहत् जारी परियोजनाएं दे विकास कम्में दी तफसीली रिपोर्ट पेश करने लेई निर्देश बी दित्ते।

<><><><><><>

Prog. Ann(Yoga Day)

आकाशवाणी जम्मू दा क्षेत्रीय समाचार, एकांश अंतर्राष्ट्रीय योग दिवस पर 20 मिंटे दा इक खास कार्यक्रम पेश करा करदा ऐ। जेहदा प्रसारण 18 जून गी बडलै 7 बज्जियै 10 मिंट पर कीता जाग। कार्यक्रम च साढ़ियां परौहनियां होंगन मन्नी परमन्नी दियां योग आचार्य डॉ. सुजाता संथु। सुजाता होर साढ़े जीवन च योग दे महत्व बारे अपने बचार सांझे करगंन। चर्चा दी मेजबानी साढ़े न्यूज एंकर श्रुति खजूरिया ते कुणाल श्रीवत्स करगंन। एह् कार्यक्रम तुस साढ़े इस्सै चैनल मीडियम वेव 303 मीटर यानि 990 किलोहर्टज ते एफएम 100.3 मेगाहर्टस पर सुनी सकदे ओ।

<><><><><><>

FATF

दुनिया भरै च काले धन जां पैहे दे गैर कनूनी लैन देन पर तक्क रखने सरबंधी संगठन एफएटीएफ नै पहलगाम आतंकी हमले दी एह् आखदे होई सख्त निंदेया कीती ऐ जे इस चाल्ली दी वारदात गी माली समर्थन दे बगैर अंजाम नेई दित्ता जाई सकदा। संगठन दा आखना ऐ जे इस चाल्ली दे हमले आतंकवादिएं ते उंदे समर्थकें बश्कार तालमेल ते पैहे दे लैन देन दे मुमकिन होई गै नेई सकदे। एफएटीएफ दे इस ब्यान गी भारत दे साब्वै काफी अहम मन्नेआ जा'रदा ऐ। एफएटीएफ नै जोर देइयै आखेआ जे 200 कोला मते देशें दे नेटवर्क राएं ओ आतंकवाद लेई रपेया पैहा उपलब्ध कराने आले खलाफ सख्त गैई पुट्टा'रदा ऐ। एफएटीएफ नै अगो आखेआ जे ओ तौले गै आतंकवाद गी रपे-पैहा उपलब्ध कराने आले बारे इक विश्लेषण जारी करोग।

<><><><><><>

CEO

जम्मू कश्मीर दे मुख् चुनां अधिकारी राजीव वर्मा होर कल निर्वाचन भवन जम्मू च अखबरे दे नुमायंदे कन्नै गल्लबात आला इक सत्र लोआया। जेहदा मकसद मीडिया आलें कन्नै तालमेल बधाना हा। इस मौके पर मुख् चुनां अधिकारी होरें मीडिया आलें ते चुनां विभाग मझाटै बेहतर तालमेल पर जोर पाया तां जे लोकें मगर चुनां सरबंधी पूरी ते सेही जानकारी समें सिर उपलब्ध करोआई जाई सकै। उनें पिछले होए दे पार्जिमानी ते विधानसभा चुनां दरान मीडिया आलेंआस्सेआ कीती गेदी कामयाब ते बेहतरीन कवरेज दी सराहना कीती।

<><><><><><>

Udhampur-Deer Park

उधमपुर जिले दिएं पहाड़िएं ते घने जंगलें चा निकलियै केई हिरण ते होर दुए जंगली जनोर रिहायशी इलाकें च आई जंदे न जिस दरान लोकें ते गड़िड़एं गी दिक्खियै एह मसूम जी डरी-घाबरी जंदे ते केई बारी जख्मी बी होई जंदे न। इस्सै गल्ल गी ध्यानै च रखदे होई सरकारै जनोरें प्रति हमदर्दी आला गैंह अपनांदे होई टांडे रख थाहर बचाए गेदे हिरणें गी रखने लेई इक डीअर पार्क दा निर्माण कीता ऐ। एल्लै इस पार्क च बक्ख-बक्ख नसलें दे कुल 37 हिरण मजूद न। वैंटनरी डाक्टरें दी टीम हफते हफते उत्थें जाइयै हिरणें दी सेहत जांच करदी ऐ जिसलै जे वन्य जीवन विभाग दा अमला इंदी दिक्खभाल लेई 24 घैंअे उपलब्ध रौहदा ऐ। इस बारे आकाशवाणी समाचार कन्नै गल्ल करदे होई तांडे रख डीअर पार्क दे रेंज अफसर महेश अबरोल होरें आखेआ.....

<><><><><><>

Sports Tourn-Ramban

नोजवानें च खेड्डें गी बढ़ावा देने दे मकसद कन्नै रामबन दे युवा सेवाएं ते खेड्ड मैहकमे आस्सेआ कौड्डी, खो-खो ते वालीबाल जनेही खेड्डें दी जिला सतह दी अंतर जोनल सतह प्रतियोगिता दा आयोजन कीता जा'रदा ऐ। जेहदे च 14 ते 17 ब'रे शा घट्ट दी उमरी आले कुड़ियां ते जागत हिस्सा लै'रदे न। इस प्रतियोगिता दे आयोजन रामबन दे जिला पुलस लाइन ग्राउंड च कीता जा'रदा ऐ जेहदे च नोजवान खडारी बड़े मते उत्साह कन्नै अपनी खेड्ड समर्थ दा प्रदर्शन करगंन। एहदे कन्नै विद्यार्थिएं च नशे दी माड़ी कबैतु थमां दूर रौहने लेई जागरूकता बी पैदा होग। आकाशवाणी समाचार कन्नै गल्ल करदे होई रामबन दे युवा सेवाएं दे खेड्डें सरबंधी अधिकारी जगदीश शर्मा होरें आखेआ.....

<><><><><><>

Weather

मौसम विभाग नै जम्मू कश्मीर च औंदे किश दिनें दरान बरखा बरने दी पेशगोई कीती ऐ। विभाग दा आखना ऐ जे 20 जून तोड़ी प्रदश दी किश-किश थाहरें पर हल्की बरखा दे कन्नो कन्नी अंधी झक्खड़ ते तेज हवाएं दे झुल्लने दे आसार दस्से गेदे न। एहदे अलावा 21 जून थमां लेइयै 23 जून तगर मौसम बदलोखड़ा रौहग ते रुकी रुकियै बरखा बरदी रौहग। अधिकारिएं लोकें गी सलाह जारी कीती ऐ जे मौसम सरबंधी जानकारी पर तक्क बनाई रखने ते हफते दे खीरै च मौसम दे आने आली तब्दीली दी पेशगोई गी दिखदे होई जरूरी एतिहात बरतन।